

DILENNADEG RANNVROEL 14 hag 21 a viz MEURZH 2010

CITOYEN KEODEDOUR ÉNERGIE ENERGIEZH
ÉDUCATION DESKADUREZH
INTERNATIONAL ETREBROADEL
JUSTICE SOCIALE JUSTIS SOKIAL



Bremañ

Asambles ha Kengret



Gant Guy Hascoët,

Anne-Marie Boudou, Janick Moriceau ha Mona Bras

www.europe-ecologie-bretagne.info





An abegoù mat da votiñ Europa Ekologiezh Breizh

Evit 20 000 implij an dazont : kas amdroadur sokial hag ekologel an armerzh e Breizh da benn

Ken rust al eo bepred enkadenn hor reizhiad frankizour ha produadurour. Paeañ a reomp anezhi raktal gant an dilabour, breskded al labour, gwastidigezh ar meteiour naturel, a ya war washaat. Ret eo ober muioc'h eget adlivañ ar c'hozh doareoù kustum da broduiñ e glaz.

- **Krouiñ 20 000 implij a-feson e Breizh ha na c'haller ket dilec'hiañ** evit labourat war tachennoù ar gremmoù nevez, an espern gremmoù, an difuiñ savadurioù, an doareoù treuzdougen stroll, an eko-servijoù, al labour-douar biologel hag a skiant vat, ar servijoù d'an dud
- **Aozañ ur «Vreizh al labour»** ma vo bodet an obererien sokioarmerzhel vreizhat, ar c'hopridi en o zouez, evit adlañsañ rannidigezh al labour, evit an dud yaouank dreist-holl
- **Adheñchañ ar skoazeloù rannvroel hag an urzhiadoù foran hag o reiñ** gant ma vo doujet gwirioù ar c'hopridi hag an endro
- **Lakaat Ajañs armerzhel Breizh da dreiñ en Ajañs an amdroadur sokial hag ekologel an armerzh e Breizh**
- **Krouiñ un diazevadur evit an armerzh sokial ha kengret** : digor e vo d'ar skodennoù foran pe brevez ha gallout a raimp gantañ postañ arc'hant er c'hrouiñ obererezhioù lec'hel
- **Broudañ an enklask war-zu ar ouiziegezh nevez-se**



Evit ur boued yac'h, Ul labour-douar gant peizanted ha doujañ ar vevliesseurted

Ar gevredigezh vreizhat a c'houlenn boued a-feson hag a c'hallo bezañ prenet gant an holl dud, hag ul labour-douar a zoujo ar yec'hed, ar meteiour naturel hag a harpo an implij. N'eus tamm dazont ebet gant patrom ar gounezerezh vreizhat askoridik ha produadurour : lanvioù glas, saotradur an douar hag an dour, digresk bras an niver a labourerion-douar hag ar stalioù labour-douar, goprou al labour-douar zo e-touez ar re izelañ e Frañs.

- **Daougementiñ ar budjed gouestlet d'al labour-douar** hag adheñchañ ar skoazeloù war-zu ar gounezerezh a skiant vat
- **Harpañ bep bloaz staliadur 2000 den yaouank** mennen da stagañ gant ar gounezerezh tost d'an dud hag ar produioù yac'h, en ur genurzhañ binvioù an obererezh font (KBTSTM* et DPFRR*) da skouer
- **Sturiant ar politikerezh evit adkavout kalite an dour**
- **Krouiñ hentadoù da dalvoudekaat produioù al labour-douar e pep tiriad** (da skouer : ar predoù bio el liseoù, ar gwerzhañ produioù war-eeun en tiez-feurm)
- **Goulenn groñs rannvroelaat ha boutinaat kredoù politikerezh boutin al labour-douar (PBL)**
- **Kizidikaat ha kelaouiñ muioc'h** evit ma vo debret predoù kempouezetoc'h, nebeutoc'h a gig enno, hag aozet gant boued eus ar vro ha diouzh an amzer
- **Ouzhpennañ an dezverk « doujañ ar vevliesseurted »** evit ar raktresoù skoazellet gant ar Rannvro
- **Chom ur Rannvro hep OGK** ha nac'hañ e teufe produioù OGK tre en Europa dre borzhioù Breizh

*KBTSTM : Kevredigezh vreizhat evit terkañ an tachennoù hag evit ar studiadennoù a-ziwar ar maez,

*DPFRR : Diazevadur publik ar font er rannvro





Evit emrenerezh energetek Breizh hep gremm nukleel

Tra m'emañ dirak an holl e Frañs a-fet an danvez-energiezhioù nevezus, Breizh a brodu nebeut a energiezh. Ar budjedoù o dije gallet reiñ an tu dimp da zioren an energiezhioù lec'hel zo bet lamet diouzhimp abaoe bloavezhioù gant ar strolloù nukleel ha tireoul. N'eo ket re ziwezhat evit divizout tizhout hon emrenerezh energetek, hep ma vefemp lakaet da c'houzañv ur greizenn direoul pe nukleel nevez hag a c'hallfe bezañ un danjer evit an ekologiezh hag ar yec'hed.

Evit suraat hor surentez pourveziñ, krouiñ miliadoù a implijoù na c'haller ket dilec'hiañ ha skañvaat a-galz faturenn energetek an tiadoù e-ser gwellaat an aezamant en hon tiez-anez :

- **Lakaat ar Rannvro da gaout ur programm uhelek :**
 - **espern energiezh** (difuiñ an tiez-anez, hag an tiez-lojañ sokial da gentañ, eko-lojeiz)
 - **efedusted energetek** (aveadurioù ha doareoù produiñ a vez implijet ganto nebeutoc'h a energiezh)
 - **diorren energiezhioù nevezus** (energiezhioù mor, bevdoz, rodou-avel offshore)
- **Digeriñ un Ajañs Lec'hel evit an Energiezhioù e pep Bro**, evit lakaat barregezhioù da ziwanañ e pep tiriad, diorren an embregerezhioù bihan ha krenn hag an artizelezh lec'hel hag ivez lakaat o chemet e rouedad
- **Lakaat Breizh da gaout ur Steuñv Rannvroel evit an Hin**, e kenlabour gant an tolpadou-kêrioù, ar Broioù hag ar gevredigezh keodedel, en ur gemer harp war ar skouerioù rannvroel efedusañ en Europa (Skos, Kembre)



Evit ur Vreizh kengret, amañ hag e lec'h all

Gant enkadenn an armerzh, ar baourentez a c'hounez tachenn, bed al labour a vez breskaet, an dud a vez muioc'h-mui en o-unan hag an digevatalderioù a gresk. Kement-se holl a laka ar genstagded sokial en arvar. Muioc'h-mui e rank an diskoulmoù kinniget plegañ d'ar palioù kenwerzhel pe d'ar c'hontroll sokial. En estrenvro e krog ar raktresoù kaset war-raok abaoe 2004 da vezañ frouezhus daoust d'ur budjed zo par da 0,24 % eus ar budjed rannvroel a vremañ. Ar pal lakaet ganeomp zo mont pelloc'h c'hoazh war-zu un etrebroadelaat na vefe ket e bal kas oberoù kenwerzhel da benn dreist pep tra.

- Daoust ma n'emañ ket ar varregezh sokial e dalc'h ar Rannvro, **ober dre guzuliata gant an obererien sokial evit talvoudekaat an holl embregadennoù kaset war-raok e tiriadoù Breizh** (reizhiadoù eskermoù lec'hel, moneiz kengret, tiez-anez gronnet, servijoù d'ar vugaligoù ha d'an dud kozh, an degemer diwar vall, prenadennoù strollet)
- **Daougementiñ ar budjed roet d'ar c'hengred etrebroadel** evit skoazellañ ar c'hevredigezhioù a bled gant ar genskoazell etrebroadel, an embregerezhioù a bled gant ar c'henwerzh reizh hag an touristerezh kengret ; **lakaat an enbroidi zo en em staliet e Breizh hag ar Vreizhiz divroet** da labourat a-gevret evit sevel treuzelloù kenskoazell etre Breizh hag ar peurrest eus ar bed
- **Sevel un Europa tost ouzh an dud**, demokrateloc'h, en ur lakaat an obererien vreizhat e-barzh ar programmoù europat (endro, hin, enklask, sevenadur, stummerezh, h.a.) ha dre en em ouestlañ muioc'h d'ar raktresoù a genlabour tiriadel (Egorenn atlantel, Egorenn Mor Breizh)



Evit ma c'hallo pep hini ober sport, ober e vad eus ar sevenadur, anavezout ar brezhoneg hag ar gallaoueg

Ar sevenadur a greñva al liammoù sokial ha kemer a ra perzh e lusk an tiriadoù : ar gouelioù breizhek niverus en laka anat.

- **Demokratelaat skignadur niverel ar sevenadur**
- Lakaat da dalvezout ar Pas' sevenadur rannvroel evit ar re yaouank
- **Harpañ ar c'hrouiñ, ar pleustriñ hag ar skignañ a-raok pep tra** kentoc'h eget an aveadurioù
- **Kaout ar varregezh war ar politikerezh yezhel** evit reiñ ur gwir lañs d'an deskadurezh divyezhek
- Labourat da grouiñ ur skinwel publik rannvroel (evel e Korsika)
- Broudañ anaoudegezh ar gallaoueg





Evit kaout an dieub diouzh al lanvioù glas, adc'hounit kalite an dour

Al lanvioù glas zo un azon grevus eus kudenn saotradurioù an dour e Breizh. Bez' ez eus anezho ivez Abalamour da lez-ober ar Stad. Soñjal a ra dimp ez eo kement ha bezañ dibenn chom hep ober estreget kinnig arc'hant evit dastum ar bezhin pe reiñ skoazelligoù amañ hag ahont. E Breizh a-bezh pe dost eo e ranker labourat.

- **Lakaat al lezenn da vezañ doujet a-benn ar fin** : lakaat ar Rannvro eus tu ar strollegezhioù, ar geodedourien hag ar c'hevredigezhioù, evel gwarant ar mad boutin (evel ma oa bet gant an Erika)
- **Respont pa vez mall** en ur lakaat ur strategiezh resis he fal war-sav, dre guzuliata gant an obererien zo war an dachenn er c'hornioù m'emañ stad an traoù en he gwashañ a-fet yec'hed
- **Reiñ lañs d'ur Steuñv lanvioù glas war hir amzer** :
 - **Adheñchañ ar skoazelloù labour-douar war-zu pleustroù a skiant vat** : termenañ an skuilhadegoù temz ha lakaat an atantoù sevel loened askoridik bras da emdreñh war-zu doareoù produiñ na vefent ket ken saotrus ; lakaat ar gounid maiz da dreiñ e pradeier pe e gounidoù n'eus ket ezhomm da zegas temz nitrogenek dezho
 - **Klask mestroniañ an tachennoù tamm-ha-tamm** gant binvioù publik ar font
 - **Goulenn groñs e vefe roet barregezh an dour d'ar Rannvro** evit lakaat e pleustr ar politikerezh treuz-se da stourm a-enep al lanvioù glas liammet ouzh ar politikerezh lakaet e pleustr evit adc'hounit kalite an dour
 - **Kenlabourat gant ar c'hevredigezhioù** a stourm abaoe dekvloaziadoù evit lakaat ar galloudoù publik a-dal d'o atebegzh



Evit reiñ tro da bep hini d'en em stummañ a-hed e vuhez

Ezhomm zo muioc'h eget biskoazh da gaout ur stummerezh a galite evit kregiñ mat ganti pe evit cheñch micher. Treuzfurmadur ekologel an armerzh zo un dra vat evit an holl dud, gant ma vo harpet ha prientet gant stummadurioù azas.

- **Liseoù** :
 - Mont pelloc'h c'hoazh gant an araokadennoù bet graet dija war **endro bevañ** an dud yaouank (efedusted energeitek ar savadurioù ha produiñ energiezhioù nevezus pa vez savet pe gwellaet tiez)
 - Broudañ an oberoù pedagogel a ro tro d'an **dud yaouank da gemer kargoù** (Kengred Norzh-Su, diorren padus, kevatalded merc'hed-paotred)
 - Digeriñ al liseoù e-maez an amzer skol, evit ober **lec'hioù da eskemmañ gant ar gevredigezh anezho**
- **Stummerezh kentañ ha dibaouez** : **stummañ tud war ar micherioù nevez** er gennadoù a bled gant an efedusted energeitek (savadurioù, doareoù treuzdouden), energiezhioù nevezus, deskadurezh an endro, hag ivez war **micherioù ar servijoù d'an dud** (bugale, tud kozh, tud nammet, h.a.)
- **Deskardelezh** : aesaat doareoù labour ha stummañ an deskarded, aesaat an digor d'an doareoù treuzdouden ha d'ar sevenadur
- **Skoazellañ al lakaat e rouedad hag ar c'henlabourioù etrebroadel e deskadurezh uhel Breizh**



Evit ma vo anavezet gwirioù ar re yaouank e Breizh

Pa dalvez yaouankiz kement ha breskted alies, gouestlañ a reomp derc'hel kont eus diaesterioù ar re yaouank, ha reiñ peadra da vezañ emren dezho. Selaou a raimp ar c'hinnigoù a vo graet ganto evit ijinañ a-gevret ur patrom kevredigezh nevez. Yaouankiz Breizh a zle gallout studiañ, en em lojañ, labourat ha bevañ en un doare din e Breizh

- **Lañsañ ur breud bras ma kemero perzh** tud yaouank Breizh evit kensevel ur politikerezh yaouankiz rannvroel kengret
- **Harpañ ar raktresoù blein** a ginnig doareoù ober nevezus evit kaout ul lojeiz, diduamantoù, evit ambroug ar raktres henchañ hag ivez **talvoudekaat engouestl ar geodedourien** (Tiez-lojañ keveloured evit ar studierien, lakaat da dalvezout ur Pas' sevenadur, tutorerezh studierien)



4 hag 21 a viz MEURZH 2010



Evit mont aesoc'h, buanoc'h, eus un eil lec'h d'egile e-ser saotrañ ha paeañ nebeutoc'h

Gaz efed ti-gwer, saotradurioù an aergelc'h, kirri a-vil-vern er c'hêrioù ha tro-dro dezho, tireoul deuet da vezañ rouez ha kresk ar priz anezhañ : pep hini a oar mat petra eo bevennoù hor patrom a laka en a-raok diorren an treuzdougen dre girri pe dre nijerezioù. Hiziv e fell dimp kinnig d'ar Bretonezed ha d'ar Vretoned an tu da **zibab ur doare treuzdougen a vefe ekologeloc'h e-ser lakaat pouez an dispignoù treuzdougen da gozhañ en o budjed.**

- **Lakaat da vont en-dro ur servij treuzdougen foran rannvroel** evit ma kloto pep doare treuzdougen gant egile er rannvro hag ambroug krouidigezh embregerezhioù a bledo gant ar servijoù d'ar fiñvusted
- **Ober e doare ma vo tu d'en em gavout e pep tiriad eus Breizh dindan div eurvezh gant an tren** en ur bostañ arc'hant evit diorren ar rouedad hent-houarn rannvroel da gentañ-holl
- **Boulc'hañ adframmarur hag addigoradur al linennoù hent-houarn**, lakaat sevel an « triskell » houarn Sant-Brieg - Gwened - an Oriant, echuiñ ar rouedad hent-houarn tredan etre Brest, Landerne ha Kemper
- **Paouez gant an «hentoù kirri pe netra»** (94% eus an treuzdougen marc'hadourezh e Breizh) e-ser diorren ar morfred a vo liammet gant astenn an houarnfred, hag adreiñ lusk d'ur gennad micherel a-bezh evel-se
- **Reiñ lañs d'ar studiadenoù war al liammoù war-eeun etre Breizh ha Bourdel pe Lyon**, anezho dorioù su Europa
- **Aesaat ar moned d'ar servij ha gwellaat ar perzhioù anezhañ** : chom a-sav e muioc'h a lec'hioù, lakaat muioc'h a drenioù da dremen, mont en-dro pelloc'h bemdez, (ad)digeriñ arsavioù ha porzhioù-houarn.
- **Termenañ ur politikerezh evit an aerborzhioù e Breizh ha nac'hañ savidigezh aerborzh Kernitron-al-Lann**



Evit ur c'hempouez hag un terkañ padus en tiriadoù

Abalamur da gresk bras ar boblañs zo hiziv an deiz e Breizh ez a war washaat efedoù kozh dija ur c'hêraozañ hag un diorren ekonomikel n'int ket bet mestroniet hag a ra un implij dreistkont eus an ichoù : artifiñseloc'h-artifiñselañ eo an endro ha kresket eo bet hed-hent lec'h labour / lec'h annez ar poblañsoù izel pe etre o goprou

- **Adkempouezañ tiriadoù Breizh**: mirout a dolpañ an holl gargadoù (politikel, melestradurel, armerzhel, sevenadurel) e Kêr Roazhon; kreñvaat gwiad ar c'hêrioù bihan hag etre ha pouez ar Broioù ; derc'hel ar servijoù foran tost d'an dud
- **Tremen d'un « terkañ » padus eus an tiriadoù** : lakaat e pleustr ur **Steuñv Rannvroel uhel evit an Hin**, evit digreskiñ louc'h karbon hag ekologel ar raktresoù terkañ da zont
- **Ober ur c'hraf kreiz eus an endro er raktresoù terkañ**, ha n'eo ket mui un dra da bleidiñ gantañ en eil renk, en oberadurioù skoazellet gant ar Rannvro.
- **Lakaat un harz d'ar brokañ war ar glad** ha reiñ an tu da gêraozañ en un doare ekologel ha poellek e-ser lakaat Diazevadur publik rannvroel ar font da brenañ tachennoù ha lakaat anezho e-kerz ar strollegezhioù
- **Evit un deknologiezh niverel hegerz d'an holl**, reiñ c'hoant da rannañ an darvez ha ledanaat an implij eus ar meziantoù frank

**EUROPE
ÉCOLOGIE
BRETAGNE BREIZH**

**Bremañ
Asambles ha Kengret**





Evit ma vo an arvor hag ar mor mammennoù a obererezhioù eko-atebek

Liammet -strizh ouzh ar mor eo kened hag identelezh Breizh. Ar mor hag a zo ur vammenn a vevliesseurded
dibriz, zo ennañ danvez-pinvidigezhioù e-leizh ha n'int ket bet korvoet evit ul lodenn vat. Emskiantek eo
bremañ ar Bretonezed hag ar Vretoned emañ pinvidigezh dibar glad o natur hag o gweledvaoù en arvar gant
ar patrom dioren a vremañ hag ar fed ne vefe ket doujet ouzh al lezennoù : lanvioù glas, ar vevliesseurded a
ya war zisteraat, gwask ar font ha kresk priz an tiez, betoñsador, dreistpesketa, eztennadurioù traezh.

- **Harpañ filierennoù an energiezhioù mor**
- **Gwellaat kalite an dourioù aod** evit derc'hel da obererezhioù an arvor : magerezh-kregin, touristerezh,
pesketaerezh
- **Harpañ an implijoù hag ar stummañ liammet ouzh micherioù ar mor**
- **Broudañ un doare da derkañ an arvor a arboell an takadoù** douar ha mor
- **Lakaat un harz d'ar brokerezh war ar glad** evit ma vo kavet an holl renkadoù sokial en arvor (lakaat
sevel tiez-anez sokial, aesaat ar feurmiñ pe ar prenañ lojeiz d'ar re yaouank)
- **Kizidikaat da anaoudegezh ha da zoujañs ar mor hag an aod**
- **Lakaat ar mor da vezañ unan eus poloù pennañ an enklask** diazez ha dedalvezet
- **Ambroug filierenn ar pesketa** evit ma vo meret pinvidigezhioù ar mor en un doare kempouez hag
atebek hag evit ma vo gwellaet an aozioù labour
- **Evit ma vo meret an arvor hag ar mor en un doare kempouesoc'h ha kendivizet**, e lakaimp da
dalvezout da vat **Karta takadoù aod Breizh**



Dre m'eo ivez hor yec'hed diouzh hon endro

Nec'het e c'haller bezañ gant yec'hed ar Bretonezed hag ar Vretoned. Meur a ditourenn en em gav
dindan ar geidenn vroadel. War baotaat ez a ar «**c'hleñvedoù doare bevañ**» a zeu diwar tagadennoù ar
saotradur. War washaat ez a an dizingalderioù a-fed yec'hed war hon tiriad abalamour da zispennidigezh ar
servijoù publik tost d'an dud gant ar Stad..

Ret-groñs ez eo reiñ lañs d'ur politikerezh youlek e-keñver dizarbenn a-benn chom hep soñjal hepken er
prederioù kurañ ha diazezet betek re war an ospitalioù.

- **Bihanaat an dilaoskadennoù saotrus er penn-kentañ** o lakaat palioù uheloc'h e-keñver kalite an aer
ha yec'hedusted an endro (SRKA* ha SRYE*)
- **Kemer diarbennoù war dachenn ar yec'hed e bed al labour** dre an dizarbenn (dreist-holl evit a
sell ouzh labourerien ar sevel-tiez, ar gounezvouederezh hag al labour-douar) ha dre reiñ skoazelloù ar
Rannvro hervez yec'hedusted an endro
- **Kreñvaat lodenn an dizarbenn** er stummadurioù «yec'hedel ha sokial»
- **Broudañ krouidigezh tiez yec'hed liesdiskiblezh ha tost ouzh an dud** hag ivez oberoù dizarbenn ha
brudañ ar yec'hed er-maez eus an ospitalioù

*SRKA : Steuñv rannvroel kalite an aer, *SRYE : Steuñv rannvroel yec'hed endro





Evit ma c'hallo an holl dud kaout ul lojeiz ekologel hag arboellus

EBreizh ez eus kudennoù lojañ e-leizh : kresk spontus prizioù an tachennoù, diaesterioù gant an dud yaouank hag an dud izel o goprou evit feurmiñ pe evit dont da vezañ perc'henn war o lojeiz, tiez-annez pell diouzh an doareoù treuzdougen stroll ha diouzh ar servijoù nes, tiez-lojañ difuet fall (gant-se e vez kresket fakturennoù energiezh an tiadoù), pa ne vezont ket dañjerus evit ar yec'hed zoken.

- **Reiñ skoazelloù ar Rannvro** diouzh standardoù uheloc'h evit an tiez da sevel pe da neveziañ (kalite uhel a-fet endro, savadurioù izel o beveziañ pe gant gremmoù pozitivel)
- **Harpañ ar filierennoù eko-sevel**, zo anezho mammennoù a implijoù nevez na c'haller ket dilec'hiañ hag ur chañs wirion evit rouedad ec'hon embregerezhioù artizanel ar sevel-tiez
- **Reiñ a-raok pep tra kredoù ar stummañ michere!** e gennad ar sevel-tiez d'ar re zo mennet da vont war micherioù ar sevel-tiez ekologel : implijoù an amzer da zont int
- **Broudañ an doareoù nevez da sevel tiez-annez gronnet kevelourel** : bihanoc'h al lec'hioù ac'hubet, dispignet nebeutoc'h a energiezh hag a zour, doujet an endro ha degaset kenskoazelloù nevez



Evit ur Vreizh kreñv en ur republik kevreadel

Efedusoc'h, poellekoc'h ha reishoc'h e vefe ma c'hallfe hor rannvro kemer divizoù war an teuliadoù a sell outi hep bezañ dalc'het gant youl-vat ar Stad. Breizh zo enni ar startijenn ret evit tizhout al live emrenerezh hag ar varregezh zo gant an darn vrasañ eus rannvroioù Europa.

- **Ober kement a c'haller evit ma vo lakaet ar gwir da arnodiñ da dalvezout da vat e Breizh**, evit kaout baregezhioù ledanaet hag an treuzkasadurioù arc'hant a ya ganto
- **Lakaat ar gevredigezh keodedel a-bezh da gemer perzh da vat**, Kuzul Armerzhel ha Sokial ar Rannvro ha Kuzulioù diorren ar Broioù dreist-holl
- **Implijout holl vinvioù an demokratelezh-perzhiañ** evit sevel a-gevret hor raktres ha kejañ ingal gant ar geodedourien evit rentañ-kont eus an oberoù boulc'het
- **Kaout ur galloud reoliñ, lezenniñ zoken, a roy an tu dimp da azasaat ar reolennoù broadel ouzh ar rannvro** (evel en Elzas pe e Korsika)
- **Harpañ ha brudañ da vat ar raktres adunvaniñ Breizh ha goulenn groñs ma vo aozet ur referendom evit adunvaniñ 5 departamant Breizh**



Gant ar memes lusk hag an hini a oa bet da vare dilennadeg Europa, Europa Ekologiezh Breizh a vod ar Re C'hlas, Unvaniezh Demokratel Breizh ha pennoù brudet eus bed ar c'hevredigezhioù, ar sindikadoù hag ar micherioù.

Ne wel ket c'hoazh ar strolladoù politikel hengounel, eus an tu dehoù koulz hag eus an tu kleiz, emañ an traoù o cheñch da vat : kenderc'hel a reont d'ober gant doareoù giz gwechall o deus lakaet ac'hanomp d'en em deurel en un enkadenn hollek na oa morse bet anezhi a-raok. Dimp-ni eo da vezañ ouzh ar stur ha da gas war-raok an treuzfurmader a c'houlennomp abaoe bloavezhioù : ar skiant-prenet ret hon eus tapet bremañ evit kas an traoù da benn.

Gant ar Bretoned hag ar Vretoned e vo savet hor raktres. Ganeoc'h emañ ar galloud hag an dibab da fiziout ennomp ar gefridi da lakaat ar goanag-se da zont da wir



DILENNADEG RANNVROEL 14 hag 21 a viz MEURZH 2010

CITOYEN KEODEDOR ÉNERGIE ENERGIEZH
ÉDUCATION DESKADUREZH
INTERNATIONAL ETREBROADEL
JUSTICE SOCIALE JUSTIS SOKIAL



Bremañ

Asambles ha Kengret



Gant Guy Hascoët,

Anne-Marie Boudou, Janick Moriceau ha Mona Bras

www.europe-ecologie-bretagne.info

